



2015-mut

Qeqqata Kommuniiani

Piareersarfiit

pillugit

isumaqatigiissusiamut ilanngussa

anguniagassatullu inernerisassat



Imarisai

Aallarniut	2
1) Piareersarfinnut tapiissutit	3
2) Suliffissaaleqisunut immikkut ittumik iliuuserisat	3
3) 15-iniit 18-it tikillugit ukiulinnut immikkut suliniuteqarneq	3
4) Qitiusumik qinnuteqarfissat	4
5) Inernerisassatut anguniakkat	4
6) Piareersarfinnut ingerlatsineranut tapiissutit	5
7) Ilinniagaqarnersiuteqartussanut amerlassusiliinerit	5

Aallarniut

Namminersorlutik Oqartussat aamma Qeqqata Kommunalu akornanni kiffartuussinissamik isumaqatigiissutip aallaavigalugu Piareersarfinnut 1. januar – 31. december 2015-mut ingerlatsinerannut ilassutitut immikkut isumaqatigiissuteqartoqarpoq.

Piareersarfinni qitiusumik ingerlatsiviit suliaminnik ingerlatsinerat il.il. pillugit naliliisarneq pillugu *Namminersornerullutik Oqartussat nalunaarutaat nr. 17, 16. oktober 2007-imeersoq* malillugu § 6, imm. 1 aamma 2 naapertorlugit immikkoortut arlallit taaneqarput kommunalbestyrelsip Suliffeqarnermut Inuussutissarsiutinullu ilinniartitaanermut Pisortaqaqfimmum (maanna Inuussutissarsiornermut, Suliffeqarnermut Niuernermullu Naalakkersuisoqarfik) nalunaarutigineqartartussatut kissaatigisat.

Kommunimut ingerlatsineranut tapiissutit aningaasarsiat akillu nalinginnaasumik qaffakkiartorerat aammalu kommunimi pineqartumi inuussutissarsiutinut ilinniartitaanerni lærlingit amerlassusiat tunngavigalugit iluarsivigineqartarput (1,03 % 2015-mut). Ilinniagaqarnersiuteqarfiusut amerlassusissaat aningaasanut inatsit naapertorlugu aningaasaliissutit malillugit naleqqussarneqartarput.

Isumaqatigiissusiamut ilanngussap imarivai Piareersarfinnut ataatsimut tapiissutit, suliffissaaleqisunut suliniutit, inuussuttuaqqanut suliniutit, qitiusumik qinnuteqarfissat, inernerisassatut anguniagassat, ingerlatsineranut tapiissutit, aamma 2015-mut ilinniagaqarnersiutissat.



1) Piareersarfinnut tapiissutit

Illoqarfiit	Ilinniagaqarnersiutit		Ingerlatsinermut tapiissutit
	Agguakkat	Qaamm.	
Maniitsoq	60	10	1.992.144
Sisimiut	62	10	1.900.582
Aqqutissiuussinermut*			500.000
15-18-inik ukiulinnut suliniut	inuit 20	3	925.000
Katillugit / I alt	122		5.317.726

* Tapiissutit suliffissaaleqisunut immikkut suliniummik tunniunneqarput

2) Suliffissaaleqisunut immikkut ittumik iliuuserisat

Aqqutissiuussineq pillugu inatsisip nutaap 1. januar 2014-imi atuutilersup inuusuttut 18-it tikillugit ukiulinnik aqqutissiuussinissaq pillugu meeqqat atuarmiisa aamma Piareersarfiit akornanni suleqatigiittuarnissap isumannaarnissaanik Piareersarfiit pisussaaffeqarnerinik erseqqissaavoq. Ilaatigut piareersarnermut aamma ikaarsaariarnermi aqqutissiuussinerup naammassineqarneranut tunngatillugu Piareersarfiit meeqqat atuarmiinnik ikiorsiissapput, tamannalu piviusutigut makkununga tunngatillugu: periarfissat pillugit aqqutissiuussineq, inuusuttut ilinniagaannut atatillugu piumasaqaatit atugassarisallu, nangitsilluni ilinniarnarit, ilinniagassatut neqeroorutit pingaarutillit allat, ilanngullugit atuarmiup tunngaviusup inuusuttullu ilinniagarisaasa akornanni ikaarsaariarnermut atatillugu, kiisalu inuusutissarsiuuteqarnermi periarfissaasinnaasut. Tamatumunnga nangillugu suliffissaaleqisunut immikkut ittumik iliuuseqarnermi Qeqqata Kommuniani ukiuni missiliorfigisani 500.000 kr.-inik aningaasalikkamik immikkut aqqutissiuussisumik atorfinitsinnissaanut tapiissuteqartoqarsimavoq.

3) 15-iniit 18-it tikillugit ukiulinnut immikkut suliniuteqarneq

2013-mi Namminersorlutik Oqartussat immikkut suliniummik 15-iniit 18-it tikillugit ukiulinnut aallartitsivoq. Inuusutissarsiornermut, Suliffeqarnermut Niuernermullu Naalakkersuisoqarfik naliliivoq piviusorsiorpalaartoq nangissallugu atuagarsorfiunngitsumik neqeroorummik sumiiffimmut naleqqussakkamik ingerlatsisoqarsinnaasoq inuusuttunut 20-nut 2015-ip ingerlanerani. Ingerlatsisinissamut taamaattumut aningaasaliutigineqarput kr. 825.000 - atuagarsiorfiunngitsumik neqeroortoqarpat isumaqatigiittoqarpallu.

Ikaarsaanermut aqqutissiuussinerit Qeqqata Kommuniani nunaqarfiini minnerpaamik qulinik 15-iniit 29-nut ukiulinnik innuttaasulinnut ingerlatsissavai. Nunaqarfinni taakkunani isumaliutigineqassaaq aqqutissiuussineq nunaqarfimmi imaluunniit illoqarfimmi pissanersoq. Aningaasaliutigineqarput kr. 20.000 taakkualu angalanissamut unnuinissamullu akiliutinut matussusiissapput nunaqarfimmut ataatsimut Qeqqata Kommuniani kr. 100.000 (katillugit nunaqarfiit tallimat).



4) Qitiusumik qinnuteqarfissat

15-18-inik ukiulinnut tunngatitanik immikkut ittumik ilinniartussat pillugit agguassassani 2.000.000 kr.-usuni qinnuteqartoqarsinnaavoq. Ilassutitut ilinniartussat ilinniagaqarnermik imaluunniit suliffeqarnermik nangitsisoqarnissaq siunertaralugu faginut nalinginnaasunut aammalu allatut qinigassatut atuagarsornerunngitsunik ingerlassanut, kiisalu ilitsersuisarnermut atorneqassapput.

Piareersarfinni pisussani suliniutinut aningaasanik qinnuteqartoqarsinnaavoq. Agguassassat 1.550.000 kr.-upput, qinnuteqartoqarneratalu kingornatigut tapiissutigineqarsinnaapput.

5) Inernerisassatut anguniakkat

2015-mut anguniagaavoq Kiffartuussinissamik isumaqatigiissut naapertorlugu aqqissuussarisassat ingerlallugillu isumagineqartarnissaat. Tamatumani immikkoortoq pingaarutilik tassaavoq suliffissarsiuussisarfiup Piareersarfimmut ilanngutitinneqarnissaa, aammalu/imaluunniit kommunimi pineqartumi ilinniartitaanermut sammisut suliffeqarnerullu akornanni sapinngisamik pitsaanerpaamik suleqatigiittoqarnissaa.

Naatsorsuutigineqarpoq Qeqqata Kommuniani inuit ilinniagaqalernissamut piginnaasaqarnerulersussat imaluunniit suliffeqarnermut piareersimalersussat 2015-mi ukiunut siuliinut naleqqiullugu amerliartulersimanissaat.

Ilinniartitaanermi anguniakkat

- Piareersarfimmi piginnaasaqarfigilikkamik ilinniagaqalersinnaanissamut 2014-mi naammassinnittut ikinnerpaamik amerlaqataat Piareersarfimmi 2015-mi naammassinnissapput piginnaasaqarfigilikkamik ilinniagaqalernissamut tiguneqarsinnaalerfiusumik.
- Inuit AEU-mik ilinniartut immikkoortunit aqquusaagassanit marluusuni minnerpaamik ataaseq 2015-mi angusiffigisimassavaat. Imaappoq, AEU-mi immikkoortoq 1-imut aamma/imaluunniit 2-mut angusisoqarsimassaaq.

Ilinniartitaanermi pitsaassuseq

- Kommunip Piareersarfimmi piginnaasalinnik sulisoqarnissaq isumannaassavaa.
- Kommunip Piareersarfiup illutassai naapertuuttut isumannaassavai.
- AEU atuutilersinneqassaaq ingerlateqqinneqarlunilu.
- AEU-mi atuartunut qarasaasiat ikinnerpaamik 15-iniit nutarteriigaallutillu internettimut attavillit atugassiisutaassapput. Qarasaasiat ilinniartitsissutitut tigussaasumik atorneqarsinnaassapput.
- Atuakkersuutit atugassiaassapput; Oqaatsit (ordbogit) oqaasivinnut tamanut, kalaallisut/danskisut, dansksisut/kalaallisut, ordbogi, tuluttut/danskisut, danskisut/tuluttut, nudansk ordbog.
- Inuussutissarsiornermut, Suliffeqarnermut Niuernermullu Naalakkersuisoqarfiup ilinniartitsinermut atugassiai atuartitsinermi atorneqarsinnaapput.
- Kommune innersuussisarnermut ilitsersuinissamullu najoqqutassanik pilersitsillunilu atuilissaaq.



6) Piareersarfinnut ingerlatsinermut tapiissutit

2015-mut ingerlatsinermut tapiissutit naatsorsorneqarput ataatsimut tassaassasut kr. 3.892.726.

Naatsorsuineri agguataarinermut tunngaviupput:

Illoqarfiit	Ingerlatsinermut tapiissutit
Maniitsoq	1.992.144
Sisimiut	1.900.582
Katillugit	3.892.726

Ingerlatsinermut tapiissutit Maniitsumut

1. februar 2015 nuunneqassapput kr. 1.593.715,20. Taakku matussutaassapput Maniitsumi ingerlatsinermut ataatsimut tapiissutissat 80 %-iinut. Ingerlatsinermut tapiissutissat sinneri 20 %-it 398.428,80 kr.-nit 2015-mi qaammatit pingasukkaartut sisamaanni akilerneqassapput, piumasaqaataallunili Qeqqata Kommuniata inernerisassatut anguniakkanik isumaqatigiissutaasunik naammassinninnissaa.

Ingerlatsinermut tapiissutit Sisimiunut

Qaammatit pingasunut tapiissutit siulliit kr. 475.145,50-it 1. februar 2015-mi akilerneqassapput, Namminersorlutik Oqartussanut paasissutissanik uppersaatinillu tunniussereersimappata. Taakku matussutaassapput Sisimiuni ingerlatsinermut ataatsimut tapiissutissat sisamarterutaanut. Ingerlatsinermut tapiissutissat sinneri qaammatit pingasukkaarlugit 2015-imi akileqartassapput, piumasaqaataallunili Qeqqata Kommuniata inerisassatut anguniakkanik nalunaarusiassatullu piumasaqaataasut Sisimiunut tunngasut naammassigunikkit.

Malugineqassaaq ingerlatsinermut tapiissutit agguataarneqarneri illoqarfinnut missingersuutaammata. Kommuni nammineq aalajangersinnaavoq pisariaqartitsineq aallaavigalugu agguataarinissamut.

7) Ilinniagaqarnersiuteqartussanut amerlassusiliinerit

Kommune Kujalleq ilinniagaqarnersiuteqartussanut ataatsimut aningaasaliiffiuvoq ilinniartunut qaammatini agguaqatigiissillugu qulini ingerlataqartunut 158-inut. Inuit ilinniagaqarnissamut piumasaqaatinik naapertuisinnaareersut taakkunannga ilinniagaqarnersiuteqarsinnaanngillat.

Qeqqata Kommunia suliassat matuma siuliini aqqinneqarnissaannut Namminersorlutik Oqartussanut akisussaatinneqarpoq.

Namminersorlutik Oqartussat sinnerlugu

Qeqqata Kommunia sinnerlugu